

中國古典名著百部

周易



周易

中国社会出版社

图书在版编目 (CIP) 数据

中国古典名著百部/孙向东主编. - 北京: 中国社会出版社,
1999.6

ISBN 7-80146-380-3

I. 中… II. 孙… III. 古籍-中国 IV. Z835

中国版本图书馆 CIP 数据核字 (1999) 第 04757 号

中国社会出版社出版发行

(北京市西城区二龙路甲 33 号新龙大厦 100032)

全国新华书店经销

北京飞达印刷厂印刷

* * *

开本 850×1168 毫米 大 32 开 1243 印张 25800 千字

1999 年 6 月北京第 1 版 1999 年 6 月北京第 1 次印刷

印数 1—1000

定价: 6800.00 元 (全 100 卷)



上古真本·上经

第一

乾 伟大的天 三乾上
为君的道 三乾下

乾：元，亨，利，贞。

初九：潜龙勿用。

九二：见龙在田，利见大人。

九三：君子终日乾乾，夕惕若，厉无咎。

九四：或跃在渊，无咎。

九五：飞龙在天，利见大人。

上九：亢龙有悔。

用九：见群龙无首，吉。

彖曰：大哉乾元，万物资始，乃统天。云行雨施，品物流行。大明终始，六位时成，时乘六龙以御天。乾道变化，各正性命，保合太和，乃利贞。首出庶物，万国咸宁。

象曰：天行健，君子以自强不息。

潜龙勿用，阳在下也。见龙在田，德施普也。终日乾乾，反复道也。或跃在渊，进无咎也。飞龙在天，大人造也。亢龙有悔，盈不可久也。用九，天德不可为首也。

文言曰：元者，善之长也。亨者，嘉之会也。利者，义之和



也。贞者，事之干也。君子体仁足以长人，嘉会足以合礼，利物足以合义，贞固足以干事。君子行此四德者，故曰：乾：元、亨、利、贞。

初九曰：“潜龙勿用”。何谓也？子曰：“龙，德而隐者也。不易乎世，不成乎名。遁世无闷，不见是而无闷。乐则行之，忧则违之。确乎其不可拔，潜龙也。”

九二曰：“见龙在田，利见大人。”何谓也？子曰：“龙，德而正中者也。庸言之信，庸行之谨，闲邪存其诚。善世而不伐，德博而化。《易》曰：‘见龙在田，利见大人。’君德也。”

九三曰：“君子终日乾乾，夕惕若，厉无咎。”何谓也？子曰：“君子进德修业。忠信，所以进德也；修辞立其诚，所以居业也。知至至之，可与言几也；知终终之，可与存义也。是故居上位而不骄，在下位而不忧。故乾乾因其时而惕，虽危无咎矣。”

九四曰：“或跃在渊，无咎。”何谓也？子曰：“上下无常，非为邪也；进退无恒，非离群也。君子进德修业，欲及时也，故无咎。”

九五曰：“飞龙在天，利见大人。”何谓也？子曰：“同声相应，同气相求。水流湿，火就燥，云从龙，风从虎，圣人作而万物睹。本乎天者亲上，本乎地者亲下，则各从其类也。”

上九曰：“亢龙有悔。”何谓也？子曰：“贵而无位，高而无民，贤人在下位而无辅，是以动而有悔也。”

“潜龙勿用”，下也；“见龙在田”，时舍也；“终日乾乾”，行事也；“或跃在渊”，自试也；“飞龙在天”，上治也；“亢龙有悔”，穷之灾也；乾元用九，天下治也。

“潜龙勿用”，阳气潜藏；“见龙在田”，天下文明；“终日乾乾”，与时偕行；“或跃在渊”，乾道乃革；“飞龙在天”，乃位乎天德；“亢龙有悔”，与时偕极；乾元用九，乃见天则。

乾元者，始而亨者也；利贞者，性情也。乾始能以美利利天下，不言所利，大矣哉！大哉乾乎！刚健中正，纯粹精也。六爻



发挥，旁通情也。时乘六龙以御天也。云行雨施。天下平也。君子以成德为行，日可见之行也。潜之为言也，隐而未见，行而未成，是以君子弗用也。

君子学以聚之，问以辩之，宽以居之，仁以行之。《易》曰：“见龙在田，利见大人。”君德也。

九三重刚而不中，上不在天，下不在田，故乾乾因其时而惕，虽危无咎矣。

九四重刚而不中，上不在天，下不在田，中不在人，故或之。或之者，疑之也，故无咎。

夫大人者，与天地合其德，与日月合其明，与四时合其序，与鬼神合其吉凶。先天而天弗违，后天而奉天时。天且弗违，而况于人乎？况于鬼神乎？

亢之为言也，知进而不知退，知存而不知亡，知得而不知丧。其唯圣人乎？知进退存亡而水失其正者，其唯圣人乎？



第二

坤

地的包容 三坤上
为臣的道 三坤下

坤：元亨，利牝马之贞。君子有攸往，先迷，后得主，利。西南得朋，东北丧朋。安贞吉。

象曰：至哉坤元，万物资生，乃顺承天。坤厚载物，德合无疆。含弘光大，品物咸亨。牝马地类，行地无疆，柔顺利贞。君子攸行，先迷失道，后顺得常。“西南得朋”，乃与类行。“东北丧朋”，乃终有庆。安贞之吉，应地无疆。

象曰：地势坤，君子以厚德载物。

初六：履霜，坚冰至。

象曰：“履霜，坚冰”，阴始凝也。驯致其道，至坚冰也。

六二：直、方、大，不习无不利。

象曰：六二之动，直以方也。“不习无不利”，地道兴大也。

六三：含章可贞。或从王事，无成有终。

象曰：“含章可贞”，以时发也。“或从王事”，知光大也。

六四：括囊，无咎，无誉。

象曰：“括囊无咎”，慎不害也。

六五：黄裳，元吉。

象曰：“黄裳元吉”，文在中也。

上六：龙战于野，其血玄黄。

象曰：“龙战于野”，其道穷也。

用六：利永贞。

象曰：用六永贞，以大终也。

文言曰：坤，至柔而动也刚，至静而德方，后得主而有常，



含万物而化光。坤道其顺乎！承天而时行。

积善之家，必有余庆，积不善之家，必有余殃。臣弑其君，子弑其父，非一朝一夕之故，其所由来者渐矣。由辩之不早辩也。《易》曰：“履霜，坚冰至”。盖言顺也。

直其正也，方其义也。君子敬以直内，义以方外，敬义立而德不孤。“直、方、大，不习无不利”，则不疑其所行也。

阴虽有美，含之以从王事，弗敢成也。地道也，妻道也，臣道也。地道无成而代有终也。

天地变化，草木蕃。天地闭，贤人隐。《易》曰：“括囊，无咎，无誉。”盖言谨也。

君子黄中通理，正位居体，美在其中，而畅于四支，发于事业，美之至也。

阴疑于阳必战。为其嫌于无阳也，故称龙焉；犹未离其类也，故称血焉。夫玄黄者，天地之杂也。天玄而地黄。



第三

屯 萌芽，充满 三坎上
生的艰难 三震下

屯：元，亨，利，贞。勿用有攸往，利建侯。

象曰：屯，刚柔始交而难生，动乎险中，大亨贞。雷雨之动满盈，天造草昧。宜建侯而不宁。

象曰：云雷，屯。君子以经纶。

初九：磐桓，利居贞，利建侯。

象曰：虽磐桓，志行正也；以贵下贱，大得民也。

六二：屯如遭如，乘马班如。匪寇，婚媾。女子贞不字，十年乃字。

象曰：六二之难，乘刚也。“十年乃字”，反常也。

六三：即鹿无虞，惟入于林中。君子见不如舍，往吝。

象曰：“即鹿无虞”，以从禽也。君子舍之，往吝，穷也。

六四：乘马班如，求婚媾，往吉，无不利。

象曰：求而往，明也。

九五：屯其膏，小贞吉，大贞凶。

象曰：“屯其膏”，施未光也。

上六：乘马班如，泣血涟如。

象曰：“泣血涟如”，何可长也？



第四

蒙 蒙昧 三艮上
启蒙、教育 三坎下

蒙：亨。匪我求童蒙，童蒙求我。初筮告，再三渎，渎则不告。利贞。

象曰：蒙，山下有险，险而止蒙。蒙亨，以亨行时中也。“匪我求童蒙，童蒙求我”，志应也。“初筮告”，以刚中也。“再三渎，渎则不告”，渎蒙也。蒙以养正，圣功也。

象曰：山下出泉，蒙。君子以果行育德。

初六：发蒙，利用刑人，用说桎梏，以往吝。

象曰：“利用刑人”，以正法也。

九二：包蒙吉；纳妇吉，子克家。

象曰：“子克家”，刚柔接也。

六三：勿用取女；见金夫，不有躬，无攸利。

象曰：“勿用取女”，行不顺也。

六四：困蒙，吝。

象曰：困蒙之吝，独远实也。

六五：童蒙，吉。

象曰：童蒙之吉，顺以巽也。

上九：击蒙。不利为寇，利御寇。

象曰：利用御寇，上下顺也。



第五

需 踌躇 三坎上
期待 三乾下

需：有孚，光亨，贞吉。利涉大川。

象曰：需，须也，险在前也。刚健而不陷，其义不困穷矣。
需，“有孚、光亨、贞吉”。位乎天位，以正中也。“利涉大川”，往有功也。

象曰：云上于天，需。君子以饮食宴乐。

初九：需于郊，利用恒，无咎。

象曰：“需于郊”，不犯难行也。“利用恒无咎”，未失常也。

九二：需于沙，小有言，终吉。

象曰：“需于沙”，衍在中也。虽小有言，以吉终也。

九三：需于泥，致寇至。

象曰：“需于泥”，灾在外也。自我致寇，敬慎不败也。

六四：需于血，出自穴。

象曰：“需于血”，顺以听也。

九五：需于酒食，贞吉。

象曰：“酒食贞吉”，以中正也。

上六：入于穴，有不速之客三人来，敬之，终吉。

象曰：“不速之客来，敬之终吉”，虽不当位，未大失也。



第六

讼 争论 三乾上
诉讼 三坎下

讼：有孚，窒惕。中吉，终凶。利见大人，不利涉大川。

彖曰：讼，上刚下险；险而健，讼。“讼，有孚，窒惕，中吉”，刚来而得中也。“终凶”。讼不可成也。“利见大人”，尚中正也。“不利涉大川”，入于渊也。

象曰：天与水违行，讼。君子以作事谋始。

初六：不永所事，小有言，终吉。

象曰：“不永所事”，讼不可长也。虽小有言，其辩明也。

九二：不克讼，归而逋，其邑人三百户无眚。

象曰：不克讼归逋，窜也。自下讼上，患至掇也。

六三：食旧德，贞，厉终吉。或从王事，无成。

象曰：“食旧德”，从上吉也。

九四：不克讼，复即命，渝，安贞吉。

象曰：“复即命，渝，安贞吉”，不失也。

九五：讼，元吉。

象曰：“讼，元吉”，以中正也。

上九：或锡鞶带，终朝三褫之。

象曰：以讼受服，亦不足敬也。



第七

师 军队 三坤上
战争 三坎下

师：贞，丈人吉，无咎。

彖曰：师，众也。贞，正也。能以众正，可以王矣！刚中而应，行险而顺，以此毒天下，而民从之，吉，又何咎矣！

象曰：地中有水，师。君子以容民畜众。

初六：师出以律，否臧凶。

象曰：“师出以律”，失律凶也。

九二：在师，中吉，无咎，王三锡命。

象曰：“在师中吉”，承天宠也。“王三锡命”，怀万邦也。

六三：师或舆尸，凶。

象曰：“师或舆尸”，大无功也。

六四：师左次，无咎。

象曰：“左次无咎”，未失常也。

六五：田有禽，利执言，无咎。长子帅师，弟子舆尸。贞凶。

象曰：“长子帅师”，以中行也。“弟子舆尸”，使不当也。

上六：大君有命，开国承家，小人勿用。

象曰：“大君有命”，以正功也。“小人勿用”，必乱邦也。



第八

比 相亲 三坎上
依附 三坤下

比：吉。原筮元永贞，无咎，不宁方来，后夫凶。

彖曰：比，吉也。比，辅也，下顺从也。“原筮元永贞，无咎”，以刚中也。“不宁方来”，上下应也。“后夫凶”，其道穷也。

象曰：地上有水，比。先王以建万国，亲诸侯。

初六：有孚比之，无咎。有孚盈缶，终来有它吉。

象曰：比之初六，有它吉也。

六二：比之自内，贞吉。

象曰：“比之自内”，不自失也。

六三：比之匪人。

象曰：“比之匪人”，不亦伤乎。

六四：外比之，贞吉。

象曰：外比于贤，以从上也。

九五：显比，王用三驱，失前禽。邑人不诫，吉。

象曰：显比之吉，位正中也。舍逆取顺，失前禽也。邑人不诫，上使中也。

上六：比之无首，凶。

象曰：“比之无首”，无所终也。



第九

小畜

小的畜积 三巽上

小的阻碍 三乾下

小畜：亨。密云不雨，自我西郊。

彖曰：小畜，柔得位而上下应之，曰小畜。健而巽，刚中而志行，乃亨。“密云不雨”，尚往也。“自我西郊”，施未行也。

象曰：风行天上，小畜。君子以懿文德。

初九：复自道，何其咎？吉。

象曰：“复自道”，其义吉也。

九二：牵复，吉。

象曰：牵复在中，亦不自失也。

九三，舆说辐，夫妻反目。

象曰：“夫妻反目”，不能正室也。

六四：有孚，血去惕出，无咎。

象曰：“有孚惕出”，上合志也。

九五：有孚挛如，富以其邻。

象曰：“有孚挛如”，不独富也。

上九：既雨既处，尚德载，妇贞厉。月几望，君子征凶。

象曰：“既雨既处”，德积载也。“君子征凶”，有所疑也。



第十

履 践履 三乾上
履行 三兑下

履：履虎尾，不咥人，亨。

彖曰：履，柔履刚也。说而应乎乾，是以“履虎尾，不咥人，亨”刚中正，履帝位而不疚，光明也。

象曰：上天下泽，履。君子以辩上下，定民志。

初九：素履，往无咎。

象曰：素履之往，独行愿也。

九二：履道坦坦，幽人贞吉。

象曰：“幽人贞吉”，中不自乱也。

六三：眇能视，跛能履，履虎尾，咥人，凶。武人为于大君。

象曰：“眇能视”，不足以有明也。“跛能履”，不足以与行也。咥人之凶，位不当也。“武人为于大君”，志刚也。

九四：履虎尾，愬愬，终吉。

象曰：“愬愬终吉”，志行也。

九五：夬履，贞厉。

象曰：“夬履贞厉”，位正当也。

上九：视履考祥，其旋元吉。

元吉在上，大有庆也。



第十一

泰 亨通 三坤下
泰平 三乾下

泰：小往大来，吉亨。

象曰：“泰，小往大来，吉亨”，则是天地交而万物通也，上下交而其志同也。内阳而外阴，内健而外顺，内君子而外小人，君子道长，小人道消也。

象曰：天地交，泰。后以财成天地之道，辅相天地之宜，以左右民。

初九：拔茅茹，以其汇，征吉。

象曰：拔茅征吉，志在外也。

九二：包荒，用冯河；不遐遗，朋亡，得尚于中行。

象曰：“包荒”，“得尚于中行”，以光大也。

九三：无平不陂，无往不复，艰贞无咎。勿恤其孚，于食有福。

象曰：“无往不复”，天地际也。

六四：翩翩不富，以其邻。不戒以孚。

象曰：“翩翩不富”，皆失实也。“不戒以孚”，中心愿也。

六五：帝乙归妹以祉，元吉。

象曰：“以祉元吉”，中以行愿也。

上六：城得于隍，勿用师。自邑告命，贞吝。

象曰：“城复于隍”，其命乱也。